





0074

2. 21

1729, 19

FACULTATIS JURIDICÆ
 DECANVS,
JO. PHILIPPVS
 Streit, JCTVS,


EMINENTISSIMI AC SERENISSIMI PRINCIPIS
 ELECTORIS MOGVNTINI CONSILIA-
 RIVS REGIMINIS,

L. B. S.

ERFORDIÆ,
 Typis GROSCHIANIS, Acad. Typogr.

ab
 ho





Quitati quam maximè convenit, ne alter ex contractu nobiscum inito, vel minimum damnum incurrat, sed omne id in effectu ei praestetur, quod mediante conventionem promissum fuit, vel si nihil convenerit, quod ex contractus natura debetur. Quod fieri solet per evictionis praestationem, quâ reparatur damnum, quod possessor rei ablata ex illâ ablatione passus est, ut nempe possessor indemnis maneat. *Zes. ad ff. de Evict. n. 3.* Exinde sequitur, quod evictionis praestatio ad illos solum contractus pertineat, qui onerosi communiter dicuntur, sive in quibus ab utroque contrahentium aequales praestationes exiguntur. Huc spectat emptio venditio, sive res vendita tota, sive ejus pars evicta fuerit. *L. 1. ff. de evict.* Venditor itaque tenetur de evictione, & ejus heres, fidejussor & omnis venditori similis, adeò ut etiam locum habeat in datione in solutum. *L. 4. cod. eod. quæ est loco venditionis.* In permutatione poterat videri non habere locum, ex eo quod permutatio rei alienæ non teneat *L. 1. de rer. permut.*

Re-

Responsum tamen, evictis prædiis permutatis, concedi actionem ad interesse, cui sunt evicta. *L. 92. Cod. eod. idem in divisione hereditatis. L. 66. §. ult. ff. eod.* Si res alia pro ea; quæ in litem deducta, data sit. *L. 33. cod. de Transact.* De venditione hereditatis non videtur dubitandum, cum enim non teneri quoad res singulares evictas rescriptum est in *L. 1. cod. de Evict.* cum hereditas vendita sit talis qualis est. Quò facit, quod emptor teneatur persequi singulas hereditatis res suis sumptibus, suo periculo: ut multò minùs, si qua res evincatur, contra venditorem illi sit actio, quem extra periculum ponit, quòd hereditas, quam vendidit, sit hereditas. *L. cum hereditatem 7. §. 8. de heredit. vend. nisi aliud actum sit. dist. L. 1. aut de substantia ejus affirmaverit venditor, debet enim præstare id, quòd affirmavit esse, cum ideo pluris vendiderit. L. nisi 15. d. L. ea que 41. de act. empr.* Porro evictio locum habet in transactione *L. 33. cod. de transact.* Quotiescunque enim ex transactione aliquid datur, dans ad evictionem tenetur. Sed si quis transigendo non dederit, sed rem penes reum pacis causa reliquerit, non dedit rem, neque Dominium transtulit, consequenter de evictione non tenetur. *Brunnem. ad dist. L. 33. n. 3.* item si bonâ fide emptor domum locavit eaque evincatur, conductori quasi evictionis nomine actione ex conducto tenetur locator, ut frui præstet, nisi æquè commodam habitationem offerat *l. 9. ff. locat.* insuper in divisione rei communis singularis evictio locum habet, si nimirum mutuo inter se heredes diviserant, quo casu mutua oritur evictionis præstatio. *Wesembec. ad tit. cod. famil. erar.* Secus si ab ipso testatore speciatim hereditas divisa sit *L. 77. §. 8. de legat. 2.* Porro tenentur ad præstandam evictionem omnes illi, à quibus res aliqua titulo oneroso in alios translata est. Inde profluit, quòd in istis negotiis, ubi non sunt reciproca præstationes, & quæ uno verbo *lucrativa* appellantur, author ad evictionem præstandam neutiquam obligetur, quamvis res in alterum translata huic iterum ab alio statim evincatur. Neque enim hoc casu excipiens damnum propriè sic dicitur

Cum patitur, sed lucrum ei solum quodammodo decedit; ast verò illius conditio, qui lucrum capiat, non aequè favorabilis est, quàm ejus qui de damno vitando cerat. Stryk. in usu modem. Pand. de evict. §. 4. Hinc non teneri donatorem de re donatâ evictâ, Resposum in *L. Aristo. §. fin. de donation.* quia evictio fit ratione pretii quod abest, non abest autem donatario, cum donatio sit liberalitas. Prater ea si propter rem evictam donatam pretium possiet repeteri à donatore, is suæ donationis pœnam pateretur. *L. ad res donatas 62. de Edict. Edict.* cujus in donando non alius fuit animus, quàm ut res donata eo modo & jure penes alium foret, quo ipse habebat. Si tamen sciens quis rem alienam donaverit ignoranti, datur decepto actio de dolo, ratione sumptuum, quos in rem fecit. in *L. 2. Cod. de evict.* dicitur, nudam promissionem non sufficere, ut donatur de evictione teneatur, sed stipulatione opus esse, hæc enim interposita facit actionem salvam esse. Idem jus ponendum in legato, nam legans non nisi jus, quod circa rem habet, legasse videtur. *L. si Domus 71. §. fin. de legat. 1.* nisi res in genere fuerit legata, & ea quæ præfita, evicta: tunc enim ex testamento est actio contra heredem, qui rem alienam tradendo, non satisfecit voluntati defuncti. *L. heres servum §. ff. de evict.* quia quando legatur res in specie, si est propria testatoris, non potest evinci, cum pleno jure efficiatur legatarii, & in eum sit translatum Dominium. Quando verò legatur in genere, & res soluta fuerit evicta, merito indistinctè tenetur heres de evictione; quia non est ausus testator se referre magis ad rem solutam, quàm ad alienam. Unde debet dari talis, quæ efficiatur pleno jure legatarii, & ab eo non evincatur. *DD. in L. si à substituto §. 1. de legat. 1.* Illud interim jure hodierno certum est, quod postquam ex nudo pacto efficax profluat obligatio, donator etiam propter rem donatam evictam cum effectu conveniri possit, si evictionem pacto simpliciter in se receperit, unde stipulatione, quæ in *L. 2. cod. de Evict.* requirebatur, moribus nostris opus non est. Stryk. d. tit. de evict. §. 52.

Quæ

Quæ denique de hac materia notatu digna, prolixius deducet publicè ex cathedra, occasione *L. 24. cod. de Evist.* quam pro lectione cursoria elegit,

NOBILIS ET CLARISSIMVS
DOMINVS
JOACHIMVS CHRISTIANVS
RVDINGERVS,

*Regimini, Consistorii nec non Præfecturæ Weisenselsensis
& Querfurtensis Advocatus,*

Qui Facultati Juridicæ exhibuit curriculum vitæ suæ, sequentis tenoris: Primum vitales auras hausi Leucopetra anno recuperatæ per sospitorem nostrum salutis millesimo septingentesimo sexto, die duodecimo Martii parentes quos veneror, & quidem patrem meum, non vulgariter a me deligendum Dn. GEORGIVM CHRISTIANVM RVDINGERVM, serenissimis principibus ac ducibus Leucopetrensi & Isnacensi, a consiliis commissionum, nec non Regimini Consistorii, & præfecturæ leucopetrensis Advocatum Ord. per 27. fere annos, præprimis in praxi felicissimum, Matrem autem amplissimis, muliebribus, decoratam ornatamque virtutibus, & circa res œconomicas, educationemque filiorum suorum indefessam, SALOME, natam ex celeberrima stirpe LEISTENIANA, quos parentes meos Deus T. O. M. per longa temporum intervalla, salvos incolumes sospitesque conservet, diu noctuque rogo atque obtestor, Avus paternæ lineæ autem fuit, Vir consultissimus, GEORGICIVS CHRISTIANVS RVDINGERVS, præfecturæ leucopetrensi præpositus, Jctus celeberrimus, qui matrimonio junctus erat, SOPHIÆ MAGDALENÆ natæ ex stirpe MEUSELIANA, aviaque meæ paternæ, adhuc in vivis existentis, insigniter a me dilectæ, Interlineæ maternæ ascendentes, nomino plurimum reverendum, nec non

X 3

doctissi-

doctissimum Dn. JOACHIMVM REISTENIVM, illustris ad
salam Augustei Rectorem meritissimum, nec non P. P. di-
gnissimum, Virum in genio florentissimum, nec non erudi-
tionis, praprimis in Theologia, Astronomia, & quod maxi-
mum in elegantiori stilo, uti ex suis programmatibus, ora-
tionibusque satis constat splendore corruscantem, cujus
avi mei cineres devota colo mente, & SALOME SCHIM-
PFERIANAM, omnibus qua mulieres decent, virtutibus,
quid? quod masculos, dedecoratam aviam meam pater-
nam enixe dilectam, cum non tantummodo, quoad vixit,
in rebus domesticis, educationeque liberorum, improbos
adhibuerit labores, sed & ita studiis excellentioribus dedi-
ta fuerit, ut justo meritoque inter ornamenta sexus sui re-
ferri possit, cum non solum in elegantiori conscribendo
stilo, sed & in Theologia, & praprimis in astrologia, tan-
tos tecerit, profectus, adeo ut per multos annos, calenda-
ria sub nomine **Friedrich Lindenberg**/ allusione de nomi-
ne ejus desumpta, proprio Marte elaboraverit, & omni ju-
re, nisi primum, nec tamen infimum, inter feminas insti-
guit, eruditione splendentes locum tenere possit, quod
etiam factum, cum auctor aliquis in suo Volumine, quod
der Geschichts Spiegel inscribitur illam aviam meam,
in numerum feminarum eruditarum posuerit, Tunc pri-
ma parentum meorum, omni filiali cultu prosequendo-
rum, cura erat, ut per lavacrum sacrum, in foedus istud
divinum reciperer, deinceps maturescente ingenio, me fi-
dei purioris, & latinae linguae Magistrorum plurimum reve-
rendi Dn. MAG. KRAVSII pro tempore Superint. & consi-
liarii ecclesiastici, revendi Dn. MESSERSCHMIDII scho-
lae leucopetrensis Rectoris demandarunt, sub quorum in-
stitutione auxiliante Deo. O. M. tales in studiis feci pro-
gressus, ut intenera adhuc aetate binis vicibus latinis, & de-
nique a schola discedens graecis litteris, in isto anno aetatis
meae valedictoriam orationem habuerim, tunc in nume-
rum Gymnastarum Weisenselsensium receptus, non solum
publicis sed & privatis inter sui lectionibus, & praprimis
summe

summe reverendum Dominum REINECCIUM Confilia-
rum illustrisque Augustei Rectorem meritissimum, ut lin-
quam excolerem gratiam, habraicam autem ediscerem;
Dn. LEONEM Serenissimo Principi leucopetrensi, a consi-
liis ecclesiasticis, & concionibus aulicis, ut me penitus in
stylo elegantiori erudiat & Dn. BÜTTNERVM quondam
P. P. longe meritissimum, nunc autem Superintendententi
Querffunthensem, nec non Consiliarium ecclesiasticum,
proponendis in Philosophia & Oratoria fundamentis adii,
quibus omnibus pro tot in me collatis meritis maximas
quas possum persolvo grates, meque illis semper obstrictum
devinctumque offero praebeo, quae Triennio nunc in hoc-
ce Augusteo per acto, ad academiam lipsiensem, sedem do-
ctrinarum elegantiorum, seminariumque tot praestantium
virorum profectus, in philosophicis experientissimum Dn.
D. RVDIGERVVM auscultanti, in iudicis vero Viros con-
sultissimos, Dn. MENKENIVM, RECHENBERGIVM, DIN-
KLERVM BAVERVVM KÆSTNERVM, Viros fama atque
eruditione claros, eorumque collegia frequentavi, quorum
industria meaque diligentia, eo perveni, ut dissertationem
iudicam, de modis dissolvendi contractum locationis,
conductionis rerum proprio mare conscripserim, & 24.
Octobr. anno 1726. sub praesidio Dn. D. DINKLERI, pu-
blice ad defendendam illam materiam, cathedram dispu-
tatoriam ascenderim, ibique triennio consummato, acade-
mia ego valedicens, domumque reversus, sub manaductio-
ne, instructioneque, Dn. parentis mei practici felicissimi,
animum meum ad praxin forensensem per aliquod tempus,
adplicavi actaque perlustravi, donec ipse ego, a serenissimo
Principe nostro Domino meo elementissimo, in nume-
rum advocatorum receptus sim, ubi praesens dego, meque
causarum patronum, & advocatum, tam in hisce, quam
aliis iudiciis gero. Viam quam mihi ulterius Deus O. M.
monstrabit, devotissima mente incedam. His igitur Fa-
cultati exhibitis ad consuetum Examen Doctorandorum
admitti decenter petit, rogitans, ut praestitis praestandis,
sum-

summis honoribus ut utroque jure condecoraretur, petito huic tam laudabili, haud abnuere potuit Facultas, sed textus tam juris canonici, quam civilis explicandos ipsi transmisit, quos doctè atque solide explanavit, atque in ipso examine ad Quaestiones prapositas promptè respondendo, talem se praestitit, ut gradu Doctorali unanimi consensu dignus judicatus sit, proinde lectionem cursoriam ad dict. *L. 24. cod. de Eviction.* eaque finitâ Disputationem Inauguralem de AVO PATERNO AD ALIMENTA NEPOTI ILLEGITIMO PRÆSTANDA OBSTRACTO, horis confueris habebit. Ad quos actus solennes, Magnificus Dominus Rector, nec non Domini Proceres & Cives Academici decenter invitantur. Publ. sub Sigillo Facult. Jurid. 8. Octobr. M DCC XXIX.



(X228 2285)

VD
18

ULB Halle

3

007 436 564





2. 21

1729, 19

FACULTATIS JURIDICÆ
 DECANVS,
 D. PHILIPPVS
 Streit, JCVS,
 NENTISSIMI AC SERENISSIMI PRINCIPIS
 ELECTORIS MOGVNTINI CONSILIA-
 RIVS REGIMINIS,
 L. B. S.

ERFORDIÆ,
 Typis GROSCHIANIS, Acad. Typogr.

